



UNDANG-UNDANG MALAYSIA

Akta A747

**AKTA BIL PERBENDAHARAAN
(TEMPATAN) (PINDAAN) 1990**

Tarikh Persetujuan Diraja 8hb Februari 1990

Tarikh diterbitkan dalam
Warta 22hb Februari 1990

UNDANG-UNDANG MALAYSIA

Akta A747

AKTA BIL PERBENDAHARAAN
(TEMPATAN) (PINDAAN) 1990

Suatu Akta untuk meminda Akta Bil Perbendaharaan (Tempatan) 1946 dan untuk membuat peruntukan mengenai perkara-perkara yang bersampingan atau berkaitan dengannya.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Bil Perbendaharaan (Tempatan) (Pindaan) 1990 dan hendaklah disifatkan telah mula berkuatkuasa pada 1hb Januari 1990.

Tajuk ringkas
dan mula
berkuat-
kuasa.

2. Akta Bil Perbendaharaan (Tempatan) 1946, yang disebut "Akta ibu" dalam Akta ini, adalah dipinda dengan memasukkan, selepas seksyen 1, seksyen baru 1A yang berikut:

Seksyen
baru 1A.
Akta 188.

"Tafsiran.

1A. (1) Dalam Akta ini, melainkan jika konteksnya menghendaki makna yang lain—

"akaun pelanggan" ertinya suatu akaun yang disenggarakan oleh institusi pendeposit bagi seseorang pemindah atau penerima pindahan di bawah seksyen 8 (5);

“badan berkanun” ertinya mana-mana badan atau pihak berkuasa yang ditubuhkan, dilantik atau dibentuk oleh mana-mana undang-undang bertulis, dan termasuklah mana-mana pihak berkuasa tempatan;

Ord. 61/58. “Bank” ertinya Bank Negara Malaysia yang ditubuhkan di bawah Ordinan Bank Negara Malaysia 1958;

“Bil Perbendaharaan” ertinya Bil Perbendaharaan yang dikeluarkan di bawah seksyen 2 dan 4 atau Bil Perbendaharaan yang dipegang oleh mana-mana orang menurut kuasa pemindahan Bil Perbendaharaan tersebut, atau sebahagian daripadanya, di bawah Akta ini;

“institusi kewangan” ertinya—

- Akta 372.
- (a) mana-mana bank berlesen, bank saudagar berlesen, syarikat kewangan berlesen, atau syarikat diskaun berlesen, sebagaimana istilah-istilah itu ditakrifkan dalam Akta Bank dan Institusi-Institusi Kewangan 1989;
 - (b) mana-mana Kerajaan Negeri;
 - (c) mana-mana badan berkanun; atau
 - (d) mana-mana kumpulan wang, skim, organisasi, pertubuhan diperbadankan atau tak diperbadankan, atau mana-mana orang lain, sebagaimana yang ditetapkan secara bertulis oleh Menteri Kewangan;

“institusi pelaburan peserta” ertinya suatu institusi kewangan yang dibenarkan oleh Bank di bawah seksyen 7 (1);

“institusi pelaburan utama” ertinya suatu institusi pelaburan peserta yang dilantik oleh Bank di bawah seksyen 7 (2);

BIL PERBENDAHARAAN (TEMPATAN) (PINDAAN) 5

“institusi pendeposit” ertinya suatu institusi pelaburan peserta yang dibenarkan oleh Bank di bawah seksyen 8 (1);

“pelanggan Bil Perbendaharaan” ertinya seseorang yang membuat pemindahan atau mengambil pemindahan Bil Perbendaharaan di bawah seksyen 8 (2);

“penyata bulanan statutori” ertinya penyata bulanan dalam borang dalam Jadual B yang dikeluarkan di bawah seksyen 9 (2);

“resit permakluman statutori” ertinya suatu resit permakluman dalam borang dalam Jadual A yang dikeluarkan di bawah seksyen 8 (6).

(2) Jika apa-apa rekod atau akaun perlu disenggarakan di bawah Akta ini oleh Bank atau mana-mana institusi pelaburan peserta, yang bertindak sama ada atas sifatnya sebagai institusi pelaburan utama atau institusi pendeposit atau selainnya, rekod atau akaun itu hendaklah disenggarakan mengikut apa-apa cara atau bentuk sebagaimana yang ditentukan atau ditetapkan oleh Bank, termasuk penyenggaraannya secara bertulis atau dalam apa-apa bentuk rakaman tampak (berbentuk imajan pegun atau bergerak), atau apa-apa rakaman bunyi, atau apa-apa jua pun rakaman elektronik, magnetik, mekanikal, atau apa-apa jua rakaman lain, pada apa-apa bahan, material, benda atau artikel.

(3) Fungsi, kuasa dan tugas yang diberikan kepada Bank di bawah Akta ini hendaklah dilaksanakan, dijalankan dan ditunaikan oleh Bank bagi pihak Menteri Kewangan.”

3. Seksyen 2 Akta ini adalah dipinda dengan memasukkan perkataan-perkataan “dalam bentuk catatan di dalam rekod-rekod Bank di bawah seksyen 7 (3)” selepas perkataan-perkataan “Bil-Bil Perbendaharaan” di baris kedua dalam subseksyen (1).

Pindaan
seksyen 2.

Pindaan
seksyen 4.

4. Seksyen 4 Akta ibu adalah dipinda dengan menggantikan subseksyen (1) dan (2) dengan yang berikut:

“(1) Tiap-tiap Bil Perbendaharaan yang dikeluarkan di bawah Akta ini hendaklah bagi apa-apa amaun dan atas apa-apa syarat sebagaimana yang ditentukan oleh Menteri Kewangan.

(2) Bank hendaklah, sebelum setiap pengeluaran Bil-Bil Perbendaharaan yang tersebut di atas, memutuskan dan menentukan masa atau masa-masa Bil-Bil Perbendaharaan itu akan dikeluarkan dan, tertakluk kepada subseksyen (3), masa atau masa-masanya Bil-Bil itu kena dibayar.”.

Seksyen
baru 4A.

5. Akta ibu adalah dipinda dengan memasukkan selepas seksyen 4 seksyen baru 4A yang berikut:

“Pemin-
dahan Bil
Perbenda-
haraan.

4A. Tiap-tiap Bil Perbendaharaan, atau mana-mana bahagian daripadanya, boleh dipindahkan mengikut peruntukan-peruntukan Akta ini dan tidaklah boleh mengikut apa-apa cara lain.”.

Pindaan
seksyen 5.

6. Seksyen 5 Akta ibu adalah dipinda—

(a) dengan menggantikan perkataan-perkataan “Membayar balik” dalam nota birai dengan perkataan-perkataan “Peruntukan pembayaran balik”; dan

(b) dalam teks Bahasa Inggeris, dengan memasukkan perkataan “moneys” selepas perkataan “principal”.

Penggan-
tian seksyen
6 dengan
seksyen baru
6, 7, 8, 9, 10,
11, 12, 13, 14,
15, 16 dan 17.

7. Akta ibu adalah dipinda dengan menggantikan seksyen 6 dengan seksyen baru 6, 7, 8, 9, 10, 11, 12, 13, 14, 15, 16 dan 17 yang berikut:

“Pembaya-
ran balik.

6. Wang-wang pokok yang dinyatakan dalam sesuatu Bil Perbendaharaan hendaklah dibayar balik apabila genap masanya dibayar

BIL PERBENDAHARAAN (TEMPATAN) (PINDAAN) 7

mengikut cara yang diperuntukkan di bawah seksyen 7 (5) atau seksyen 8 (4), mengikut mana-mana yang terpakai.

Institusi-
institusi
pelaburan
peserta
dan
institusi-
institusi
pelaburan
utama.

7. (1) Bank boleh membenarkan secara bertulis mana-mana institusi kewangan untuk menjadi institusi pelaburan peserta.

(2) Bank boleh melantik secara bertulis mana-mana institusi pelaburan peserta untuk menjadi institusi pelaburan utama.

(3) Bank hanya boleh mengeluarkan kepada sesuatu institusi pelaburan utama suatu Bil Perbendaharaan di bawah seksyen 4, dan Bank hendaklah menyenggara catatan di dalam rekod-rekodnya mengenai tiap-tiap Bil Perbendaharaan tersebut.

(4) Sesuatu institusi pelaburan peserta hendaklah menyenggara suatu akaun tunggal dengan Bank—

(a) mengenai semua pemindahan Bil-Bil Perbendaharaan kepadanya oleh suatu institusi pelaburan peserta lain atau olehnya sendiri kepada suatu institusi pelaburan peserta lain; dan

(b) jika institusi pelaburan peserta telah dilantik sebagai institusi pelaburan utama di bawah subseksyen (2), maka hendaklah dimasukkan ke dalam akaun tunggal yang disebut dalam perenggan (a), suatu akaun mengenai semua Bil-Bil Perbendaharaan yang dikeluarkan kepadanya di bawah subseksyen (3).

(5) Bank hendaklah membayar balik kepada institusi pelaburan peserta, wang-wang pokok yang dinyatakan dalam setiap Bil

Perbendaharaan yang terdapat dalam akaunnya di bawah subseksyen (4) pada tarikh Bil Perbendaharaan itu genap masanya untuk dibayar, dengan apa-apa jalan dan mengikut apa-apa cara sebagaimana yang ditentukan oleh Bank.

(6) Bank hendaklah menyenggara rekod-rekod mengenai akaun sesuatu institusi pelaburan peserta, dan rekod-rekod tersebut hendaklah menjadi keterangan tunggal dan muktamad tentang kedudukan akaun itu, dan tentang segala butir dan butir terperinci mengenainya, dan rekod-rekod tersebut hendaklah mengikat Bank, institusi pelaburan peserta dan mana-mana orang lain yang mempunyai apa-apa kepentingan di dalamnya.

Institusi
pendeposit.

8. (1) Bank boleh membenarkan secara bertulis mana-mana institusi pelaburan peserta untuk menjadi institusi pendeposit.

(2) Mana-mana orang, selain daripada institusi pelaburan peserta, yang berhasrat sama ada untuk membuat pemindahan atau mengambil pemindahan Bil Perbendaharaan hendaklah melakukan sedemikian hanya melalui institusi pendeposit.

(3) Sesuatu institusi pendeposit hendaklah menyenggara dengan Bank, sebagai tambahan kepada akaun yang disenggarakan di bawah seksyen 7 (4), suatu akaun tunggal berasingan berkenaan dengan semua pemindahan yang dilaksanakan melaluinya di bawah subseksyen (2).

(4) Bank hendaklah membayar balik kepada sesuatu institusi pendeposit wang-wang pokok yang dinyatakan dalam setiap Bil Perbendaharaan yang terdapat dalam

BIL PERBENDAHARAAN (TEMPATAN) (PINDAAN) 9

akaunnya di bawah subseksyen (3) pada tarikh Bil Perbendaharaan tersebut genap masanya untuk dibayar dengan apa-apa jalan dan mengikut apa-apa cara sebagaimana yang ditentukan oleh Bank.

(5) Sesuatu institusi pendeposit hendaklah menyenggara suatu akaun pelanggan berkenaan dengan tiap-tiap pemindah dan penerima pindahan yang menjadi pihak dalam mana-mana pemindahan yang dilaksanakan melalui institusi pendeposit di bawah subseksyen (2), kecuali jika akaun pelanggan berkenaan dengan seseorang penerima pindahan disenggarakan oleh suatu institusi pendeposit lain, dan dalam hal yang demikian institusi pendeposit yang mula-mula disebutkan itu hendaklah menyebabkan Bil Perbendaharaan tersebut dipindahkan ke dalam akaun penerima pindahan dengan institusi pendeposit yang kedua disebutkan itu.

(6) Jika pemindahan sesuatu Bil Perbendaharaan dibuat oleh mana-mana orang di bawah subseksyen (2), prosedur berikut hendaklah dipatuhi oleh institusi-institusi pendeposit itu masing-masing:

(a) institusi pendeposit yang melaluinya pemindahan itu dibuat hendaklah segera mengeluarkan—

(i) kepada pemindah suatu resit permakluman statutori dalam borang dalam Jadual A berkenaan dengan pemindahan itu; dan

(ii) kepada penerima pindahan suatu resit permakluman statutori dalam borang dalam Jadual A berkenaan dengan pemindahan itu, jika institusi pendeposit itu menyenggara suatu akaun

pelanggan berkenaan dengan Bil-Bil Perbendaharaan penerima pindahan; dan

- (b) jika suatu institusi pendeposit lain menyenggara suatu akaun pelanggan berkenaan dengan Bil-Bil Perbendaharaan penerima pindahan, institusi pendeposit yang disebut dalam perenggan (a) hendaklah segera memberitahu institusi pendeposit yang lain itu tentang pemindahan itu dan institusi pendeposit yang lain itu hendaklah segera mengeluarkan kepada penerima pindahan suatu resit permakluman statutori dalam borang dalam Jadual A berkenaan dengan pemindahan itu.

(7) Sesuatu resit permakluman statutori tidaklah boleh diniagakan atau diuruskan dengan apa-apa jua cara sekalipun, dan hendaklah digunakan semata-matanya antara institusi pendeposit yang mengeluarkannya dan pelanggan Bil Perbendaharaan yang kepadanya ia dikeluarkan sebagai keterangan tentang pemindahan Bil Perbendaharaan di bawah subseksyen (2) yang dimaksudkan dengannya itu.

(8) Jika amaun dalam akaun yang disenggarakan oleh institusi pendeposit dengan Bank di bawah subseksyen (3) adalah terjejas disebabkan oleh pemindahan yang dilaksanakan melaluinya di bawah subseksyen (2), institusi pendeposit itu hendaklah memaklumkan segera kepada Bank maklumat tentang apa-apa perubahan dalam amaun yang disebabkan oleh pemindahan tersebut.

BIL PERBENDAHARAAN (TEMPATAN) (PINDAAN) 11.

Tugas-tugas dan obligasi-obligasi institusi pendeposit berhubung dengan pemindahan yang dilaksanakan di bawah seksyen 8 (2).

9. (1) Sesuatu institusi pendeposit hendaklah menyenggara suatu akaun berkenaan dengan setiap pelanggan Bil Perbendaharaan.

(2) Sesuatu institusi pendeposit hendaklah mengeluarkan kepada setiap pelanggan Bil Perbendaharaannya suatu penyata bulanan statutori berkenaan dengan Bil-Bil Perbendaharaannya dalam borang dalam Jadual B pada atau sebelum hari kesepuluh dalam bulan selepas bulan yang berkenaan dengannya penyata bulanan statutori itu dikeluarkan.

(3) Sesuatu penyata bulanan statutori hendaklah menjadi keterangan tunggal tentang Bil-Bil Perbendaharaan yang dipegang oleh pelanggan Bil Perbendaharaan di akhir bulan yang berkenaan dengannya ia dikeluarkan.

(4) Sesuatu institusi pendeposit hendaklah membayar balik kepada pelanggan Bil Perbendaharaan wang-wang pokok yang dinyatakan dalam setiap Bil Perbendaharaan yang terdapat dalam akaun pelanggan Bil Perbendaharaan, dan pembayaran balik itu hendaklah dibuat pada tarikh Bil Perbendaharaan itu genap masanya untuk dibayar.

(5) Bil-Bil Perbendaharaan yang diuruskan oleh sesuatu institusi pendeposit berkenaan dengan apa-apa pemindahan yang dilaksanakan melaluinya di bawah seksyen 8 (2) hendaklah diuruskan semata-mata dan khusus mengikut cara, dan bagi maksud, yang diperuntukkan di bawah seksyen 8, dan tidaklah boleh diuruskan atau digunakan oleh institusi pendeposit dengan apa-apa jua cara lain pun, atau bagi apa-apa jua maksud lain pun.

(6) Sesuatu institusi pendeposit hendaklah memberi kepada Bank apa-apa penyata, butir terperinci, butir atau maklumat berhubung

dengan akaun-akaun yang disenggarakan olehnya di bawah subseksyen (1) berkenaan dengan setiap pelanggan Bil Perbendaharaan, atau pelanggan Bil Perbendaharaannya secara am, sebagaimana yang ditetapkan oleh Bank, atau sebagaimana yang dikehendaki oleh Bank secara bertulis dari semasa ke semasa.

(7) Bank boleh, melalui mana-mana pegawainya yang diberikuasa secara bertulis oleh Gabenor atau Timbalan Gabenor Bank, memeriksa dan mengambil salinan-salinan akaun yang disenggarakan oleh institusi pendeposit di bawah seksyen ini, termasuk akaun-akaun berkenaan dengan mana-mana pelanggan Bil Perbendaharaan tertentu atau apa-apa rekod atau akaun lain yang berhubungan dengan atau melibatkan Bil-Bil Perbendaharaan di bawah Akta ini, dan institusi pendeposit itu, dan tiap-tiap pengarah, pegawai, pekerja, pengkhidmat atau ejen institusi pendeposit itu hendaklah memberikan kepada pegawai Bank tersebut segala buku, rekod, surat-menyurat, atau apa-apa dokumen lain sebagaimana yang dikehendaki oleh pegawai tersebut, dan hendaklah memberikannya segala bantuan sebagaimana yang dikehendakinya.

(8) Akaun seseorang pelanggan Bil Perbendaharaan yang disenggarakan oleh suatu institusi pendeposit di bawah subseksyen (1) hendaklah menjadi rahsia di antara institusi itu dengan pelanggan Bil Perbendaharaan itu dan tidaklah boleh didedahkan oleh institusi pendeposit itu kepada mana-mana orang kecuali kepada Bank, termasuk pegawai-pegawai Bank yang disebut dalam subseksyen (7), melainkan jika pendedahan itu adalah dibenarkan secara bertulis oleh pelanggan Bil Perbendaharaan itu.

BIL PERBENDAHARAAN (TEMPATAN) (PINDAAN) 13

(9) Sesuatu institusi pendeposit hendaklah secara mutlak dan sepenuhnya bertanggungjawab dan bertanggung kepada pelanggan Bil Perbendaharaannya berkenaan dengan semua pemindahan yang diambil atau dibuat oleh pelanggan Bil Perbendaharaan itu melalui institusi pendeposit tersebut di bawah seksyen 8 (2).

(10) Sesuatu institusi pendeposit tidaklah boleh menghendaki seseorang pelanggan Bil Perbendaharaan membayar apa-apa caj, fee, atau apa-apa bayaran lain berkenaan dengan apa-apa perkara yang diuruskan olehnya berhubungan dengan seseorang pelanggan Bil Perbendaharaan di bawah Akta ini, kecuali sebagaimana yang diperuntukkan oleh kaedah-kaedah yang dibuat di bawah seksyen 15.

Kuasa Bank untuk meminta maklumat, memeriksa dan mengambil salinan-salinan.

10. (1) Bank boleh, secara bertulis, menghendaki mana-mana institusi pelaburan peserta yang mungkin juga suatu institusi pelaburan utama, supaya memberi kepada Bank apa-apa penyata, butir terperinci, butir atau maklumat berhubungan dengan mana-mana akaun atau rekod yang disenggarakan olehnya di bawah Akta ini.

(2) Bank boleh, melalui mana-mana pegawainya yang diberikuasa secara bertulis oleh Gabenor atau Timbalan Gabenor Bank, memeriksa atau mengambil salinan-salinan mana-mana akaun, rekod, buku atau apa-apa dokumen lain yang disenggarakan oleh institusi pelaburan peserta di bawah Akta ini.

Pemeliharaan rahsia oleh Bank. Ord. 61/58.

11. Tanpa menjejaskan seksyen 16A Ordinan Bank Negara Malaysia 1958, apa-apa maklumat dalam milik Bank menurut kuasa mana-mana peruntukan Akta ini hendaklah menjadi rahsia di antara Bank dengan orang

yang kepadanya ia dimaksudkan atau yang daripadanya ia diperolehi dan tidaklah boleh didedahkan kecuali dengan keizinan orang itu.

Catatan
palsu, dsb.
dalam buku-
buku,
dokumen-
dokumen,
dsb.

12. (1) Tiada seorang pun boleh dengan niat untuk memperdaya—

(a) membuat atau menyebabkan dibuat suatu catatan palsu;

(b) meninggalkan daripada membuat, atau menyebabkan ditinggalkan daripada dibuat, sesuatu catatan; atau

(c) mengubah, mengeluarkan, menyembunyikan atau memusnahkan, atau menyebabkan diubah, dikeluarkan, disembunyikan, atau dimusnahkan, apa-apa catatan,

dalam apa-apa buku atau rekod, atau dalam apa-apa laporan, helaian kertas, penyata atau apa-apa jua pun dokumen lain, yang berhubungan dengan perniagaan, hal-ehwal, transaksi, keadaan, harta, aset, liabiliti, atau akaun mana-mana institusi pelaburan peserta, atau mana-mana institusi pelaburan utama, atau mana-mana institusi pendeposit, ataupun Bank.

Pelang-
garan Akta,
penalti
baginya
dan
liabiliti
jenayah
institusi-
institusi,
pengarah-
pengarah,
dsb.

13. (1) Mana-mana institusi pelaburan peserta yang bertindak sama ada atas sifatnya sebagai institusi pelaburan utama atau institusi pendeposit atau selainnya, atau mana-mana orang lain, yang melanggar mana-mana peruntukan Akta ini adalah melakukan suatu kesalahan dan, apabila disabitkan boleh dikenakan denda tidak melebihi—

(a) sepuluh juta ringgit; atau

BIL PERBENDAHARAAN (TEMPATAN) (PINDAAN) 15

- (b) jika jumlah wang menjadi hal perkara kesalahan itu, sepuluh kali ganda jumlah tersebut,

mengikut mana-mana yang lebih besar, atau penjara bagi tempoh tidak melebihi lima belas tahun, atau kedua-dua denda dan penjara:

Dengan syarat bahawa jika orang yang didapati melakukan kesalahan itu adalah suatu pertubuhan diperbadankan, hukuman penjara yang tersebut di atas tidaklah terpakai baginya.

(2) Jika apa-apa kesalahan terhadap mana-mana peruntukan Akta ini telah dilakukan oleh mana-mana institusi yang disebut dalam subseksyen (1), mana-mana orang yang pada masa berlakunya kesalahan itu adalah seorang pengarah, pegawai atau pengawal institusi itu atau berupa sebagai bertindak atas apa-apa sifat yang sedemikian, atau telah dengan apa-apa jua cara atau setakat apa-apa jua bertanggungjawab bagi pengurusan mana-mana hal-ehwal institusi tersebut, atau telah membantu dalam pengurusan tersebut, adalah melakukan kesalahan itu melainkan jika dia membuktikan bahawa kesalahan itu telah dilakukan tanpa dipersetujui atau dibiarkannya dan bahawa dia telah menjalankan segala usaha untuk mengelakkan berlakunya kesalahan itu sebagaimana yang sepatutnya telah dijalankannya, memandangkan kepada jenis fungsi-fungsinya atas sifat itu dan kepada segala hal keadaan.

(3) Jika mana-mana orang (kemudian daripada ini disebut "prinsipal" dalam subseksyen ini) boleh dikenakan apa-apa hukuman atau penalti di bawah Akta ini kerana apa-apa perbuatan, peninggalan, pengabaian atau keingkaran, maka dia boleh dikenakan hukuman atau penalti yang sama

bagi tiap-tiap perbuatan, peninggalan, pengabaian atau keingkaran yang dilakukan oleh mana-mana kerani, pengkhidmat atau ejennya, atau oleh kerani atau pengkhidmat ejen itu:

Dengan syarat bahawa perbuatan, peninggalan, pengabaian atau keingkaran itu telah dilakukan oleh kerani atau pengkhidmat prinsipal itu dalam menjalankan kerjanya, atau oleh ejen itu semasa bertindak bagi pihak prinsipal, atau oleh kerani atau pengkhidmat ejen itu dalam penggajiannya oleh ejen itu atau selainnya bagi pihak ejen itu.

(4) Tanpa menjejaskan subseksyen (2), jika sesuatu institusi yang disebut dalam subseksyen (1) atau sesuatu institusi kewangan di bawah perenggan (b) atau (c) dalam takrif "institusi kewangan" di bawah seksyen 1A, ia tidaklah boleh didakwa bagi apa-apa kesalahan yang dilakukannya di bawah subseksyen (1), atau dikenakan hukuman atau penalti di bawah subseksyen (3).

(5) Tiada apa-apa jua yang terkandung di dalam Akta ini boleh dianggap sebagai menghalang pendakwaan, pensabitan dan penghukuman mana-mana orang mengikut peruntukan-peruntukan mana-mana undang-undang bertulis lain; tetapi dengan sedemikian supaya tiada orang boleh dihukum lebih daripada sekali bagi kesalahan yang sama.

(6) Bagi maksud-maksud seksyen ini, "pengarah", "pegawai" dan "pengawal" hendaklah masing-masing mempunyai erti sebagaimana yang diberikan di bawah seksyen 2 (1) Akta Bank dan Institusi-Institusi Kewangan 1989.

BIL PERBENDAHARAAN (TEMPATAN) (PINDAAN) 17

Liabiliti
sivil tidak
terjejas
disebabkan
pendakwaan
atau ketidak-
dakwaan,
dsb.

14. Pendakwaan, atau kegagalan mendakwa, mana-mana orang bagi sesuatu kesalahan di bawah Akta ini, atau pembebasan atau pelepasan mana-mana orang yang didakwa bagi sesuatu kesalahan di bawah Akta ini, tidaklah boleh, dengan apa-apa cara atau setakat apa-apa jua pun, menjejaskan liabiliti sivilnya kepada mana-mana orang lain berhubungannya dengan apa-apa jua yang dilakukannya di bawah Akta ini.

Kaedah-
kaedah.

15. (1) Menteri Kewangan boleh, atas syor Bank, membuat apa-apa kaedah-kaedah yang perlu atau suaimanfaat untuk memberi kesan penuh kepada peruntukan-peruntukan Akta ini, untuk menunaikan atau mencapai tujuan-tujuan dan maksud-maksud Akta ini, atau untuk melaksanakan peruntukan-peruntukan Akta ini dengan lebih sempurna, lebih baik dan lebih mudah.

(2) Tanpa menjejaskan keluasan subseksyen (1), kaedah-kaedah boleh dibuat untuk mengadakan peruntukan mengenai—

- (a) perkara-perkara yang berhubungan dengan pengeluaran Bil Perbendaharaan, permohonan mendapatkan Bil Perbendaharaan dan pembayaran balik Bil Perbendaharaan apabila ia genap masanya untuk dibayar;
- (b) prosedur-prosedur dan amalan-amalan berhubungan dengan pelaksanaan mana-mana peruntukan Akta ini oleh mana-mana orang;
- (c) borang-borang berkenaan dengan mana-mana peruntukan Akta ini;
- (d) caj, fee dan bayaran yang kena dibayar kepada Bank, dan caj, fee dan bayaran yang kena dibayar kepada sesuatu institusi pendeposit, berkenaan dengan mana-mana peruntukan Akta ini; dan

- Akta A747.*
- (e) perkara-perkara yang berhubungan dengan pelaksanaan peruntukan-peruntukan peralihan yang terkandung di dalam seksyen 8 Akta Bil Perbendaharaan (Tempatan) (Pindaan) 1990.

Liabiliti
Kerajaan
berkenaan
dengan
Bil Perben-
daharaan.

16. (1) Kerajaan hendaklah bertanggung bagi segala pembayaran balik yang kena dibayar berkenaan dengan Bil Perbendaharaan yang dikeluarkan di bawah dan menurut Akta ini, dan berkenaan dengan semua Bil Perbendaharaan yang diuruskan di bawah dan mengikut seksyen 8 Akta Bil Perbendaharaan (Tempatan) (Pindaan) 1990, tetapi jika liabiliti Kerajaan tersebut yang berbangkit akibat daripada, atau oleh sebab, apa-apa keingkaran sesuatu institusi pelaburan peserta dalam melaksanakan tugas dan obligasinya di bawah Akta ini, termasuk tugas dan obligasinya sebagai institusi pelaburan utama atau institusi pendeposit mengikut mana-mana yang terpakai, institusi tersebut hendaklah bertanggung apabila diminta oleh Kerajaan untuk menanggung rugi Kerajaan sepenuhnya berhubungan dengan liabiliti itu.

(2) Bagi maksud-maksud subseksyen (1), "keingkaran" termasuklah—

- (a) apa-apa pengabaian atau kegagalan dalam melaksanakan apa-apa fungsi, atau menjalankan apa-apa kuasa, atau menunaikan apa-apa tugas, di bawah Akta ini; dan
- (b) apa-apa kesalahan di bawah Akta ini, atau apa-apa kesalahan di bawah mana-mana undang-undang bertulis lain

BIL PERBENDAHARAAN (TEMPATAN) (PINDAAN) 19

berhubungan dengan apa-apa perkara yang diuruskan di bawah Akta ini, tanpa mengambil kira—

- (i) sama ada terdapatnya atau tidak apa-apa pendakwaan berkenaan dengan kesalahan itu; atau
- (ii) sama ada keingkaran tersebut dilakukan oleh institusi pelaburan peserta itu, atau oleh mana-mana pengarah, pegawai, atau pengawal (sebagaimana perkataan-perkataan itu ditakrifkan di dalam seksyen 13 (6)), atau mana-mana kerani, pengkhidmat, atau ejen institusi pelaburan peserta tersebut, atau mana-mana kerani, atau pengkhidmat kepada ejen tersebut.

Kuasa
Menteri
untuk
meminda
Jadual A
atau B.

17. Menteri Kewangan, atas syor Bank, boleh dari semasa ke semasa melalui perintah yang disiarkan dalam *Warta* mengubah, memotong daripada, menambah kepada, menggantikan, atau selainnya meminda, Jadual A atau B, dan Jadual sebagaimana diubah, dipotong daripada, ditambah kepada, digantikan, atau selainnya dipinda, hendaklah mula berkuatkuasa dan berkesan penuh dan hendaklah disifatkan menjadi satu bahagian integral Akta ini mulai dari tarikh penyiaran sedemikian, atau dari suatu tarikh yang lebih awal atau terkemudian sebagaimana yang ditetapkan dalam perintah itu.”.

8. Seksyen 7 Akta ibu adalah dinomborkan semula dengan menggantikan angka “7” dengan angka “18”.

Penomboran
semula
seksyen 7.

Kemasukan
Jadual-
Jadual
baru A
dan B.

9. Akta ibu adalah dipinda dengan memasukkan, selepas seksyen 18, Jadual-Jadual baru A dan B yang berikut:

“

JADUAL A

RESIT PERMAKLUMAN STATUTORI
(Dikeluarkan menurut seksyen 8 (6)
Akta Bil Perbendaharaan (Tempatan) 1946)

Nama, alamat, logo, dsb. institusi pendeposit

Nama dan alamat
pelanggan Bil
Perbendaharaan

Tarikh:

Akaun pelanggan Bil Perbendaharaan no.

No. pengeluaran	Tarikh matang	Tarikh pemindahan	Amaun Bil Perbendaharaan \$

Kami dengan ini memaklumkan bahawa amaun Bil Perbendaharaan sebanyak.....adalah dengan ini dipindahkan *oleh/daripada *pelanggan/institusi pendeposit yang tersebut di atas kepada penerima pindahan mulai dari tarikh pemindahan.

BIL PERBENDAHARAAN (TEMPATAN) (PINDAAN) 21

#Institusi pendeposit bagi penerima pindahan telah diberitahu tentang pemindahan di atas.

Nama *penerima pindahan/pemindah:

Nama institusi pendeposit bagi *penerima pindahan/pemindah:

.....
Tandatangan dibenarkan
institusi pendeposit

NOTA: Resit permakluman ini tidak boleh diniagakan atau diuruskan dalam apa-apa cara jua pun (seksyen 8 (7)).

* Potong mana-mana yang tidak terpakai.

Potong jika tidak terpakai.

JADUAL B

PENYATA BULANAN STATUTORI

(Dikeluarkan menurut seksyen 9 (2) Akta Bil Perbendaharaan (Tempatan) 1946)

Nama, alamat, logo, dsb. institusi pendeposit

Tarikh:

Nama pelanggan Bil Perbendaharaan :

Alamat :

Akaun pelanggan Bil Perbendaharaan no. :

Tarikh pemindahan	Pengeluaran Bil Perbendaharaan no.	Tarikh matang	Baki pembukaan	Amaun Bil Perbendaharaan yang dipindahkan kepada pelanggan	Amaun Bil Perbendaharaan yang dipindahkan daripada pelanggan	Baki penutup

Penyata bulanan bagi bulan.....tahun.....

.....
Tandatangan dibenarkan
institusi pendeposit "

Peruntukan-
peruntukan
peralihan.

10. (1) Dalam seksyen ini "Bil Perbendaharaan" ertinya Bil Perbendaharaan yang dikeluarkan di bawah seksyen 2 dan 4 Akta ibu sebagaimana ia wujud sebelum mula berkuatkuasanya Akta ini.

(2) Jika apa-apa Bil Perbendaharaan, apabila Akta ini mula berkuatkuasa, belum genap masanya untuk dibayar, Bil Perbendaharaan itu—

(a) sekiranya pemegang itu adalah institusi pelaburan peserta, hendaklah diserahkan kepada Bank untuk dibatalkan olehnya, dan berikutan dengan itu Bank hendaklah memasukkan wang-wang pokok yang dinyatakan dalam Bil Perbendaharaan ke dalam akaun Bil-Bil Perbendaharaan yang disenggarakan oleh institusi pelaburan peserta tersebut dengan Bank di bawah seksyen 7 (4) Akta ibu; atau

(b) sekiranya pemegang itu adalah orang selain daripada institusi pelaburan peserta—

(i) hendaklah boleh dipindahkan hanya melalui suatu institusi pendeposit pilihan pemegang mengikut seksyen 8 (2) Akta ibu; dan

(ii) hendaklah menyebabkan pembayaran balik wang-wang pokok yang dinyatakan dalam Bil Perbendaharaan di bawah seksyen 6 Akta ibu dibuat hanya melalui suatu institusi pendeposit pilihan pemegang,

dan atas pemindahan atau pembayaran balik Bil Perbendaharaan tersebut, mengikut mana-mana yang berkenaan, Bil Perbendaharaan itu hendaklah diserahkan kepada institusi pendeposit yang hendaklah segera mengirimkan Bil Perbendaharaan itu kepada Bank untuk dibatalkan olehnya:

Dengan syarat bahawa jika tidak ada pemindahan atau pembayaran balik dalam tempoh sembilan bulan dari tarikh mula berkuatkuasanya Akta ini, pemegang

BIL PERBENDAHARAAN (TEMPATAN) (PINDAAN) 23

hendaklah, walau bagaimanapun, menyerahkan Bil Perbendaharaan itu kepada institusi pendeposit pilihannya sebelum tamatnya tempoh sembilan bulan tersebut, dan institusi pendeposit itu hendaklah segera mengirinkan Bil Perbendaharaan itu kepada Bank untuk dibatalkan olehnya.

(3) Atas penyerahan Bil Perbendaharaan kepada sesuatu institusi pendeposit—

- (a) di bawah subseksyen (2) (b) (i), peruntukan-peruntukan seksyen 8 (6) Akta ibu hendaklah terpakai; atau
- (b) di bawah proviso kepada subseksyen (2) (b), institusi pendeposit itu hendaklah mengeluarkan kepada pemegang suatu resit permakluman statutori dalam borang dalam Jadual A kepada Akta ibu berkenaan dengan Bil Perbendaharaan yang dipegang olehnya, seolah-olah Bil Perbendaharaan itu telah dipindahkan kepada institusi pendeposit menurut seksyen 8 (2) dan menurut prosedur di bawah seksyen 8 (6) Akta ibu,

dan dalam mana-mana hal institusi pendeposit itu hendaklah menyanggara suatu akaun pelanggan di bawah seksyen 9 (1) Akta ibu berkenaan dengan orang yang menyerahkan Bil Perbendaharaan itu.

(4) Jika pemegang suatu Bil Perbendaharaan gagal menyerahkan Bil Perbendaharaan itu kepada sesuatu institusi pendeposit di bawah subseksyen (2), Bank boleh, tanpa menjejaskan liabiliti Kerajaan di bawah seksyen 16 Akta ibu, menguruskan Bil Perbendaharaan itu mengikut apa-apa cara sebagaimana yang ditentukan oleh Bank.